

南州草堂續集

歲在乙亥余年六十手輯平生詩古文十存六七
彙而刊之為南州草堂集三十卷長洲西堂老人
序之曰富貴有時而盡壽命不可數期未若文章
之無窮千秋萬歲傳與不傳吾與子姑俟之而已
旨哉斯言吾甚愧之今忽忽又十年矣學殖荒落
老而愈甚方自嘆螢乾蠹朽雖有時捉筆意思都
不相屬而猶沾沾自喜蒼叢十年來之作編為續
集亦聊以志歲月云爾非敢傳之當世流示後人
也康熙乙酉六月松風老人徐鉉書於葦草亭

上海圖書館
索書號碼
登記號碼

南州草堂續集卷一目錄

松風餘藁

白燕

題喬武功飼烏圖

為許月溪題濤園

滄浪亭子詩寄漫堂中丞

乙亥歲稜長至送紙窓曝背偶閱六一居士

集有今年遠近大水稼穡何望之語遂集

歐詩成絕句一首

乙亥臘月六十自壽六首

臘月廿六日同朱竹垞雨中聯句

題西堂老人萬峰探採圖

贈披雲室老衲

清明後四日門人葉子景鴻招遊郊外踏青

用東坡野步韻

昔莫過鹿城偕諸昆季連日賞牡丹次家瓠

叟先生韻

藝初侍御索賦素蘭即次原韻

謁劉龍洲先生墓

書懷

揮鋤

早買

梅雪 廣文老而好學司鐸松陵循循善誘

齋厨荒蕪耻至爨煙不舉今已鬢年每動

歸興用東坡詩為起句留之

友人索送昏詩戲題二絕句

題姚氏園二首

江髯七十戲為長句贈之

仲冬四日招同人小集松風書屋鈕玉樵大

令以詩見貽依韻奉答

題顧罔臨小像顧工寫照今像為周楚揆所

畫彷彿桃花源口

鶯脰湖竹枝詞三首

題王生遺照

舊宅

除夕前二日招同人小集松風書屋
丁丑元旦二首

人日同香山稼堂損持勗初飲玉樵書舍分
韻

仲春雨雪連旬八十四翁沈繭村以詩見貽
兼訂上巳之集依韻奉答二首

貽損持館文茅筆一枝枉詩見謝成絕句二
首答之

後觀碁六絕句效錢虞山體

鴛湖感舊

清明近日梅花始開戲為絕句二首嘲之

由虎山橋抵銅坑草庵作

萬峰臺觀梅憶樵水稼堂

三月廿二日挈榼同人遊集郊外

閏三月三日師魯招同羣從雅集北山草堂

拈韻尋微字

家瓠叟先生見貽新詩追話舊遊忽忽二十
九年矣率向奉答二首

耘圃看花三絕句示章仲比部

藝初侍御設廣筵於北園奏樂賞花少長咸

集分曹角飲即席成句

瓠叟招飲出示新詩題四絕句

靈岩輪公以詩見貽奉酬二首

為西堂老人八十壽老人自壽詩云願借滄

浪作酒罇即用為起句

八月十四日念修七來招同友人虎丘泛月

筠軒有詩見貽即次原韻

十八日石湖看串月

寄題草草山房仍用西堂老人原韻四首

題尤滄湄館文垂竿圖

長至日憺園小集分得青字

家瓠叟餉油豆腐走筆謝之四首

南州草堂續集卷一

吳江 徐 欽 虹亭



詩

松風餘藁

自乙亥三月至丁丑十二月止計八十六首

白燕

欲覓雕梁事已非月明宮漏影依稀可憐團扇秋
風後只向蘆花淺水飛

題喬無功飼烏圖

璧社湖頭碧浪麤荒原宰木有啼烏阿誰粉本傳
今日著箇王褒淚眼枯

為許月溪題濤園

草木平泉久已荒人間无復午橋莊松濤瀉處雲
衣冷羨爾能開舊草堂

滄浪亭子詩寄漫堂中丞

在昔子美居滄浪氣味古澹祛浮囂亟買水石作
亭檻高崖翠阜環週遭靈境早闢豁蒙密無邊風
月供逍遙有時興酣偶落筆橫絕四海稱詩豪迨
維往事遂終古幾經興廢悲沏寥地幽徑仄人罕
到荒寒灌木鳴鷓鴣惟我漫堂來握節一路爭開
李與桃途歌巷哭喜相告三昏草綠粘裙腰南園
樂園地相接涓涓微潦爭堂坳中丞了却公家事
看山歎往風脩脩重修遺跡更懷古品評詩格窮

搜雕致君如公原有術擬登斯世躋唐堯旋移祭
輶陟廊廟回頭直欲凌煙霄滄浪滄浪寒且碧老
漁應共來相招臨風寄語西陂叟濯足還須讓吾
曹公自號西陂釣叟

乙亥歲稔長至後紙窓曝背偶閱六一居
士集有今年遠近大水稼穡何望之語
遂集歐詩成絕句一首

日長漸賤逍遙樂不似崇高富貴身我欲四首携
酒去只憂无米過來昏

乙亥臘月六十自壽

等閑一別軟紅塵又向江潭過幾昏寄得東坡詩

句好華胥猶見夢回人

青鞵布襪日追遊泡影由來付海漚記得草堂詩

句好微軀此外復何求

才華恥與角時賢猶寄床頭手一編記得昌黎詩

句好肯將衰朽惜殘年

回思瀛海因浮沈霜髮從教日日侵記得石湖詩

句好眼茸无物可關心

冥鴻不使雪泥黏偷取閑身意屬厭記得放翁詩

句好熊蹯魚腹豈能兼

千愁已過百年中難換衰顏此日紅記得香山詩

句好尊前勸酒是昏風

臘月廿六日同朱竹垞雨舟聯句

山行未淹旬日歸歲已晏虹亭晨發崦東西疾風

吹四面竹垞俄頃雲溟濛急雨雜飛霰虹亭寒木

聲怒號衝波勢撒旋竹垞舟師劃柔櫓迸力與水

戰虹亭有如士先登賈勇色不變竹垞重湖乍超

越小舫乃利便虹亭同翔虎山橋亭亭樹葱蒨竹

垞沿流溯木瀆峰頂露塔院虹亭鈴傳越來溪歷

響吳別殿竹垞陳迹且莫悲執爻情所眷虹亭謂已畦也

言尋二棄堂庶幾暫游衍竹垞詎期冬潦收水淺

石盡見虹亭舟膠不能前我躁子煩悵竹垞聯吟

倚篷窗剪燭炙冰硯虹亭安得胥口潮盤椒及家

燕竹垞

題西堂老人萬峰探採圖

振衣已上萬峰頂雲氣都從腳底生自別軟紅塵
十丈廿年无夢到昏明

相羊萬樹梅花裏獨曳孤筇破楚煙莫詫間身今
八十先生已是地行仙綿津山人題老人詩有香
二十場句極佳余笑曰便山句取相贈從此无多
過百歲何妨遂反其意

贈披雲室老衲

丈室披雲任懸崖撒手能一籠消古佛雙眼證禪
燈花氣檐前覆泉聲雨後增肯隨行脚去常自挂
修藤

清明後四日門人葉子景鴻招遊郊外踏

青用東坡野步韻

踏青无復問西東祇賅青山襯晚紅去逐狂蜂身
尚健來聽新燕耳猶聰嬉遊里社村莊裡間過叢
祠廢圃中藜杖先操遲落日蘭橈初試引微風蜻
蜓掠水黏絲網蛺蝶穿花透粉叢急雨頻催過震
澤殷雷遙送繞吳宮雷時值未妨歸路泥偏滑且喜
沿溪櫂可通莫笑先生真爛醉浴沂風味與君同

春莫過鹿城偕諸昆季連日賞牡丹次家

瓠叟先生韻

翠幙昏溪曲曲遮溟濛細雨濕流霞酒樓已息迴

波舞別院還開傾國花似向粧臺垂紫袖猶疑繡
陌擁香車夜闌羯鼓休頻促笑插當筵帽影斜
蘭膏暗剪蕪華燈婀娜昏風喚肯磨房為重臺香
易斂枝因低亞態難勝堆來膩粉瑤光滑染就媽
紅珠露凝重整胭脂憑一捻一捻牡丹名醉餘消暑有
安陵

藝初侍御索賦素蘭即次原韻

共有當門嘆猶餘空谷香素心渾不改虛室漸生
光膏豈因人熱花疑帶曉霜好教簪白髮歲月去
堂堂

謁劉龍洲先生墓墓在崑山之麓

先生歿後有西臺慟哭於今亦草萊斷碣已荒祠
宇廢陰厓未改霽煙開嶙峋俠骨依山掩寂寞吟
魂趁月來莫向昏淡悲杜宇六陵風雨更堪哀

書懷

心清宿業捐除久一任閒雲自卷舒大藥難成休
鍊鼎老懷易忘畏觀書人間厚祿非關我世上浮
名肯戀渠只有相花忙不了纔停短棹又中車

揮鋤

種豆南山得少安瓦盆注酒酒杯寬夢回无復思
僊掌老去猶能戴鶻冠未見虎頭飛食肉但知鼠
目曾求官人間得失渾閒事却擬揮鋤一笑矧

早買

市鉗不共楚人憂早買江邊小翼舟
鬢與蘆花同一色閑來只許傍沙鷗

韓翃詩孤客小翼舟

梅雪廣文老而好學司鐸松陵循循善誘齋厨荒蕪時至爨煙不舉今已鬢年

每動歸輿用東坡詩為起句留之

先生依舊廣文貧東坡萬斛胸中氣象新肝胆向人常自吐眉毛覆眼不生嗔難尋句漏燒丹訣且墊淵明漉酒巾縱使百年同過客也應爛醉甕頭昏

廣文好客竟无羶東坡鎮日攤書獨自眠絕調每

彈憐綠綺遺音三嘆有朱絃全无阿堵從人借只有文章與世傳我更早衰君尚健期君再住兩三年

友人來索送昏詩戲題二絕

老翁昨日討昏來不道昏來又早回囑付鳴鳩并乳燕休因昏去更喧颺

溪畔殘花剩兩枝小娃也作送昏詩總然明歲還來此且為儂家住少時

題姚氏園

虎丘西去亂山多中有林亭覆綠蘿三徑已開須二仲可能容我作行窩

高顧諸賢已不存荒祠枉自薦芳蓀有時來看生
公石先叩君家兩版門姚家錫山乃祖從高顧諸
公遊今居吳門園在虎丘
麓之

江髯七十戲為長句贈之

江善種花
兼喜奕

嗟我今年六十一欲尋老伴未易得猶幸田間能
早歸自笑隨身惟兩膝從來野性逐麋鹿出門恒
憂衢路窄近喜江千百畝寬風物翛然煙水碧况
有主人善栽花時聽碁聲花下出暮年值此足追
歡塵世浮名復何益因君嗜好與我同遂賅往來
无虛日世人但媿鬚眉少惟君有髯真似戟世人
只愛青眼看惟君有眼常帶白君貌既古心亦然

君年稍長已七十與君坐隱日日爭彼此輸贏難
自必不如為倩榻中叟呼彼婦姑相對奕而我與
君且傍觀同做爛柯山上石

仲冬四日招同人小飲松風書屋鈕玉樵

大令以詩見貽依韵奉答

擾擾羶蟻間誰能辨勞逸余本岷強人久之媚世
術鬚髻未蒼浪早謝螭坳筆頗耽碁與酒以之消
永日逝將遊醉鄉觴政乃秩秩最愛阮生狂无憂
柳下黜垂餌江潭淡世網少牽率朝來逢故人對
酒情愈密坐使舊愁消閒徵雅令出雪研松江鱸
香喫洞庭橘從來鄙性頑休言豪氣溢昨驚鳳是

颺今恐星近畢七月風災田間獲早收婦子宜在
室况有松濤聲似欲翻廢帙期君共追歡分種陶

潛秣

題顧同臨小像顧工寫照今像為周楚揆
所画彷彿桃花源口

廿年名噪顧長康把卷閑來坐夕陽翻怪此公癡
絕處金針暗度與周郎

武陵洞口畧相同喜見桃花滿意紅若許閑身來
作伴祈君添箇老漁翁

鶯脰湖竹枝詞三首

年來處處少平康枉斷蘇州刺史腸不是繭村村

老說無人知道小孃洪

余愛誦
之故云

沈繭村有画眉橋北小娘
洪粉面煙鬟醉幾場之句

酒店溪橋護淺沙長堤衰柳點棲鴉鶯湖一片寒
煙織半是蘆花半雪花

萬家潭口銀魚美滑似蓴絲味更鮮堪笑江東老
張漸祇將鱸膾向人傳

題王生遺照

生善
裝池

平生長物捐除盡冀得修行力半分惟有殘書拋
不下无人料理便思君

尽力刀錐紙簇攢裝池完好衆多看五牛莊上堆
千軸爾後須防鼠啣殘

生年來半住五牛
與稼堂裝裱法帖

舊宅

壞墻西畔野棠紅十二朱樓一旦空可惜庭前行
馬地掃門今只有東風

除夕前二日招同人小集松風書屋

歲莫幽栖早閉關偶逢嵇阮得追扳不成雞黍難
為主略借詩文小破閒習氣未能忘蠹簡浮名久
已謝塵寰肯從曝背翻因話唐時與損持館文借錄倒
度傾筐也不慳

丁丑元旦二首

遙憶朝元鹵簿開長楊獻賦幾人來時清欲奏鏡
歌曲玉輦初從紫塞回聞聖駕於臘月二十日回宮

衰頽忘却日華東自笑形骸土木同猶藉堯天事
耕鑿還從雲氣卜年豐

人日同香山稼堂損持勗初飲玉樵書舍

今年人日好小雨破柴荆文飲欵紗帽清談媿老
兵臘醉真可醉鷗夢不須驚翻笑持殘局偏教讓
後生時稼堂與支生對奕大負

仲昏雨雪連旬八十四翁沈繭却以詩見

貽兼訂上巳之集依韻奉荅

欲倩東風浣麴塵誰知冰雪又兼旬暖思簷溜消
晴日寒帕江梅負早昏芟盡名經宜鑄佛拈來妙
句已通神門前柳色參差綠預擬銜杯及此辰

落拓無人似乃翁揮毫漉酒興偏濃官如彭澤腰

曾折翁曾知錢塘嘉善兩縣事人比香山句更同解道退身須

放達誰憐憂國有愚忠嗟余對爾猶年少余今年六十二

矣翁每對余呼之長願相隨擊壤中

貽損持館文茅筆一枝枉詩見謝成絕句

二首答之

回愁每憶張平子吐盡江花夢不如解道包茅能

縮酒誰知縛帚又中書

野史叢殘手自鈔久无清夢到螭坳知君銀管修

書日讀易還須藉用茅

後觀碁六絕句效錢虞山體

鶴唳西風異代哀楸紋玉子賸殘仄問君不語誠

何事曾向長安看奕來

塵海真如小劫年兩人勝負各茫狀夜深已沒西

牕月堅坐猶爭一著先

一穗孤燈落子遲斜飛侵角勢難支局殘尚打連

環劫悔不推枰及早吐

自為蠅頭蝸角爭槐根覆轍幾縱橫謝公枉折登

山屐山上原无草木兵

楸枰犖确久荒蕪私語中宵有婦姑黑白從來容

易辨攬殘只恐放鯉奴

善奕无過王積薪龍拏虎攫竟非真老僧若念乘

除白國手應推第一人酉陽雜俎一行本不解奕一局遂與之敵笑謂燕公曰此但爭先觀王積薪碁耳若念貧道四句乘除則人人為國手

鴛湖感舊

曾說臺邊舞柘枝而今空見柳絲絲不因重唱鴛湖曲誰識南朝舊梅村有鴛湖曲謂吳吏部也總持

清明近日梅花始開戲為絕句二首嘲之

豔紫夭紅已作鄰水邊纔見一枝新寒梅也改六霜操莫笑楊花肯趁人

橫斜疎影鬥芳叢冉冉香魂墮碧空羞殺孤山老處士看隨桃李嫁東風

由虎山橋抵銅坑草菴作

兩崦重湖接扁舟度此橋閑鷗迷浦溆茅屋指山椒出沒煙鬟亂高低香雪飄停撓遲落日芒屨試來朝

萬峰臺觀梅憶樵水稼堂

萬峰頂上一孤藤歲歲翔梅我獨能垂老風情猶跌宕入昏冰雪幾憑陵白雲斷處湖山失晴日烘來花霧凝為憶去年香國裏若耶居士五牛僧八翁顧樵水號若耶居士潘稼堂住五牛受南澗戒為在家僧兩人皆去歲同遊者

三月廿二日挈榼招同人游集郊外

自笑顏非舊日丹桃花人面不相干亂紅飛去鶯聲巧淺綠濃時草色寒何處酒壚堪痛飲誰家庭

院好憑闌還期倒載回山簡只恐兒童拍手看

閏三月三日師魯招同羣從雅集北山草

堂拈韻尋微字

身同海鳥久忘機逢著園林便歎扉裙屐心情容易改鬢絲顏面早難違聽歌歷歷拈紅豆對酒茫茫指翠微被禊喜當三月閏一季兩度送春歸

家瓠叟先生見貽新詠追話舊遊忽忽二

十九年矣率向奉答

塵澣茫茫小劫如追遊還記廿年餘賈生未許陪
茸席齊客曾同載後車己酉庚戌間余在東京眼
叟亦居萊蕪使君官舍
底浮雲雖易換心中膠漆本相於何期共扣西州

路祇剩香山履道居

時與叟共尋憺園及北山草堂諸勝落句傷司空公也公

以刑部尚書致仕
官階與白香山同

分明昨歲花前醉白髮添來又一年

記昨昏心遠堂同賞牡丹

分韻賦
詩事

不畏愁腸生易割但知狂態老逾巔山容

入畫羞眉黛鳥語逢春勝管絃更欲與翁謀痛飲

典衣好挂杖頭錢

耘圃翬花三絕句示章仲比部

杖藜裹飯與腰鎌為愛春深筍蕨甜小暖輕寒圍

紫翠何愁細雨織廉纖

姚家較遜左家時今年紫牡丹獨勝歐陽

步障層

層壓紫絲

圓中藤花滿架
如紫絲步障

縱有紅塵飛不到花前

憶煞老官師思官詹果亭叔也

樹頭鳩婦喚晴來漏日濃雲濕不開挹取露華傳
玉笋紅闌綠水好徘徊

藝初侍御設廣筵於北園奏樂賞花少長
咸集分曹角飲即席成句

高低酒戶自分曹絲竹聲中興轉豪數樹藤陰半

紫綬一溪草色染青袍唐時惟御史著青袍故李義山有青袍御史句行

歌我欲埋長鎚醉客君能壓小槽賴有名花開次

第可无佳句寫江毫

瓠叟招飲出示新詩題四絕句

才力能驅碧海鯨蘭苕翡翠自縱橫生來不拾西

江唾直向香山顶上行

噩夢醒來又十年醉吟无日不陶然與翁共撚霜
髭斷愛取新詩較昔賢

淺紅濃綠已參差正好花前酌一盃莫把心肝雕

雜碎世間能有幾鍾期楊誠齋題陸放翁詩云雕

纒九盤得心肝百雜碎依前途輒

遙隔吳淞江上村小舟一夜到柴門鮎魚蝦虎堪
供饌有約還呼老瓦盆

靈岩翰公以詩見貽奉酬二首

昏明一夢久迨狀禪榻重逢十九年鹿苑聽鶯聲
漸老琴臺奏曲響空傳翔山自愛芒屨好飛錫无

如竹杖堅堪笑儒門收不住翻從四衆領諸天公舊

為諸生火色鳶肩久未逢依狀相對兩衰翁公於湘漢間十年戎幕

花開路口如迎笑亭傍山坳是落紅迎笑落紅俱半山亭名

石火光中思過隙寒香影裡坐高齋知公好比王

摩詰圖取閒身入画中公為余畫扶筇圖

為西堂老人八十壽老人自壽詩云願借

滄浪作酒罇即用為起句

願借滄浪作酒罇試移布鼓過雷門裝成楚服衣

冠古翁新製角巾方袍奏罷鈞天笑語喧翁有鈞天樂一部堂畔

看雲辭畫錦看雲草堂庭前駐策有高軒鳳毛池上人

爭羨萊綵於今歲歲翻

願借滄浪作酒罇笙歌隊裡度朝昏人游洛社耆

英會翁與雲間玉峰諸翁老舉耆年會家傍南園煙水却松老无風

韻自古鴻冥得路爪无痕白頭多識老名士天語

傳來荷主恩今上每呼翁為老名士

八月十四日念修七來招同友人虎丘泛

月筠軒有詩見貽即次原韻

良辰又值可憐宵爭擁遊人似海潮衰憊懶攀吳

苑柳輕盈尚憶楚宮腰數聲羯鼓聲嘈雜幾簇華

鐙影動搖詞客眼前推二妙不愁猿鶴去難招

附程筠軒原倡

蠟屐中車競此宵
喧喧絕似湧昏潮
酒旗喚醉傾藍尾
歌譜偷聲鬥綠腰
襯月光
歷亂穿林塔
火影飄搖只愁猿鶴驚
相避試作清詩共一招

十八日石湖看串月

纔過中秋月正圓
西風忽送雨廉纖
華燈簇處搖煙水
綺席開時散管絃
妙舞祇宜天上有
清歌偏向此間傳
不愁此鬢年年改
醉倒今宵藥玉船

寄題草草山房仍用西堂老人原韻

拋却看雲舊草堂
新來聞築數椽忙
射簷晴日消長晝
拂面松風醒醉鄉
高枕底須驚逐鹿
投閒便

足補亡羊三閭五架
無餘物剩有圖書滿一床
山房草草已初成
野服新裁歲又更
願借烟霞供拄杖
喜敲泉石煮茶鑪
肯爭龍尾道前直
却愛溪橋雨後平
閒禮金仙深夜坐
夜深好與話无生
羊虎何勞作一堆
北印衰草未須哀
優閑便是登仙錄
富貴誰能避夜臺
今日纔看揮淚別
明朝又聽嘯歌來
何如且索梅花笑笑向
檐前日幾回
水北山南一徑斜
與經地界結籬笆
設扉欲護過墻笋
汲井先澆繞砌花
社酒濃時如玉液
香杭搗就勝胡麻
由他牛豨牀前鬥
只作天邊走電車

題尤滄湄館文垂竿圖

瀛洲歲歲起西風不似蘆花淺水中
拔足偶狀坐盤石一竿且自付兒童

長至日憶園小集分得青字

六琯敲灰動陽谷迴曜靈寒飈流素影遠岫疊遙
青一觴仍一詠佳客如聚萍喧譁雜棊梨列坐羅
籩釧兼聆絲竹肉盲眇入空冥談諧乍酣暢授簡
紛前庭凡茲年少客虬光發新硯嗟我老啞羊懸
鐘而撞筵號寒笑縮帽高屋喜建瓴材短冀添線
日長好揚舫時買歸棹臣曰卜其夜不怕城門扃

家瓠叟餉油豆腐走筆謝之

慣嘗菜飯了殘書頗厭饊花玉不如今日淮南得

遺法好教回去點冬菹

迂疎悞索長安米曾被侏儒笑不堪幸喜家常有
滋味百年粗糲性偏耽

南山種豆謝朝曦果腹長眠手自捫一味回甘賽
酥酪肯教大嚼過屠門

羹臙點酥得未有亟將方法與山厨從今不設東
坡肉翻笑何曾海陸俱

南州草堂續集卷二目錄

松風餘藁

戊寅首昏八日澄江途次東同年老友曹莪

嶠祭酒

和九老人韻為廬東先生壽

與兩浙運使李述修前輩

將有西南之遊道經武林留別家浩軒司空

江行雜詠六首

雨中陳北溟招同若谷兄小飲署齋

題詹南屏南山圖

再為南屏題宋中丞羅山人匡廬詩畫卷後

舟過臨江戲柬李述修前輩

廬陵道中

自高壘至攸縣作

水車行

湘江書所見

衡州道中

湘神廟

將至永州二首

門人梁子叔彌宰東安過其署中以詩示之

高山寺在東安縣西郭外

與汪晉賢郡司馬

七星巖

為羅浮山人題杜子皇蔣前民書畫冊子

登五層樓

題鄭子源冊子鄭工篆刻

寺寓與小禺山舍相近陳元孝屢期月夜過

從昔為雨阻以詩見貽依韻答之

與鈕高明玉樵四首

與李惠州默稼

贈黃積菴

幻雲樓

問鷗亭

五羊太守郡齋即事四首

九日梁藥亭陳元孝王蒲衣諸公雅集光孝寺訶林余以他阻未至諸公仍為余拈韻
身燕字明日足成之

十九秋詩

秋原 秋瀑 秋鏡 秋燈 秋琴
秋煙 秋蝶 秋魚 秋獵 秋樓
秋屋 秋成 秋簞 秋衫 秋塘
秋帘 秋寺 秋菜 秋社

梁藥亭太史出十九秋詩索和和成題二絕

白歸之 附藥亭和四首 又附陳元孝跋

遊羅浮述懷二首呈魯方伯謙菴

將至惠州

登飛雲峰絕頂

宿華首臺訪塵異大師不值

遊冲虚觀

黃龍洞

見日亭

西溪

南海神廟迨和東坡韻

別俞子珍木兼示紫凝 珍木紫凝留余寓舍 余將東歸紫凝入郡

署珍木 往回會

南雄旅舍和壁間韻

度嶺

萬安縣

南州草堂續集卷二

吳江 徐 鈞 虹亭

詩

松風餘凜

自戊寅正月至己卯正月止計七十九首

戊寅首昏八日澄江途次東同年曹峩嶠

祭酒

一過青陽市連邨
桮竹香江雲粘凍雨
茅店出顏
牆轉憶前年別
猶憐舊日狂宦緣
雖慙淺道味
歎
深長

附峩嶠和

泥融昏菜美雪散臘醅香
久別看新句長歌認

舊墻虹亭偕稼堂閩石題紅塵同晚晚白髮兩
清狂不盡飛揚意圍碁竟夜長

閒來枯坐久虛室領肥香道德夫何有詩書竟
面墻貧憐知己共老說舊遊狂宿習君猶在文

編一尺長

虹亭見示全集三十卷

和九老人韻為墻東先生壽

而我俱非少壯日霜髯雪鬢復何疑只憐隨地風
光好休羨中朝金紫為坡老舊曾悲絡秀香山自
昔遣楊枝人間得失安須問造化由來屬小兒

與兩浙運使李述修前輩

為憶詞臣出牧年爨煙常斷金魚懸休言連蹇妨

時命自有精誠格帝天清苦久知羣望協光華近

荷主恩偏請看使節來湖上蘇白於今未獨賢

油幢熊軾駐杭州暇日應登望海樓曾共龔黃書

上考肯從桑孔較前籌如環山色堆青黛似水臣

心玩白鷗身是江潭憔悴客因君半晌此句留白

天有一半句留是此湖之句

將有西南之遊道經武林留別浩軒司空

劇憐老佐諸侯客猶買西南上水航花信風柔人
問渡蘭江春暖燕梢播向禽有累筇難曳元亮无
糧鉢可將公等濟時希稷契野夫歸與話耕桑

江行雜咏

兩岬青山送遠遊，忘機久已狎沙鷗。可憐雙鬢今
衰白，又過昏江第一樓。樓在富陽

無數煙鬟山遠近，兩行濃綠樹參差。眼前粉本无
人識，却向當年問大痴。黃大痴有富音，江圖今入大內。

桃花水似鴨頭綠，螺髻山如佛髮青。柔櫓數聲鷗
睡穩，遙看木末起孤亭。

森森煙波去路遲，羊裘五月好風姿。休言漢鼎无
人繫，剩有桐江挂一絲。

雉堞全无沙路長，城根繫纜鎖垂楊。東坡枉費花
猪肉，未識蘭溪蠟版香。

彈丸姑蔑如天上，截嶺分江鳥道邊。此地承平已

廿載，還憑遺鏃話烽烟。

雨中陳北溟招同若谷兄小飲，暑齋

顛風急，雨濕行裝剪燭。官厨話慨懷，為政底須誇

茂宰。開樽真喜共柴桑。溪山入畫，琴能譜花鳥，逢

春橘有香。閩海追尋悲楚些，愁聞鄰笛起山陽。時

故友李子鵠沒於臺灣

題詹南屏南山圖

南屏蒼翠影龍從，人在黃花栗里中。值得悠然坐
相對，先生原是一詩翁。

再為南屏題宋中丞羅山人匡廬詩画卷
後

幾度推蓬揖五老无從登陟影空濛而今始識廬
山面翻在烟驅墨染中

舟過臨江戲東李述修前輩

蕭灘南去訪漁磯碧嶂亭空畫掩扉為報臨江舊
太守有无公是與公非劉原父貢父兄弟臨江人也著有公是公非集

廬陵道中

沿緣不斷小龍旋灘急篙橫處處同鳥為雲深愁
出入路緣山轉失西東滌泥濘受沙洲白斷碇全
无野寺紅回憶龍潭兼虎穴也曾經過一衰翁時龍潭夜深聞虎嘯

自高龍至攸縣作

跳珠濺沫影空濛灘急篙橫耳乍聾急起推蓬嵐
翠滴一江穿入亂山中

水車行

瀟湘水車製作殊截竹為筒似笙竽團團架腹百
輪轉低空直挾洪濤趨晴日禾苗槁欲死頃臯數
頃咸沾濡江南桔槔吾舊省河北輓轡垂斷綆豈
意楚人更機巧要知水激還相送從今寄語漢陰
叟无用勞勞汲溪井

湘江書所見

雨餘江漲未全消野岸紆迴帶晚潮斗大孤蓬浮
水面沿流箇箇截魚苗楚人伐竹為方柵浮水面架短篷收魚苗

衡州道中

兩槳西浮不記程
篷窗時聽斷篙橫
崎嶇詰曲山千轉
格磔鉤輞鳥數聲
晴旭照人猶黯淡
水煙如霧未分明
愁聽笛裡南征調
吹向蠻江送遠行

湘神廟

楚岸多祠廟
帆樯入暮昏
野花留襟佩
石鼎少纖塵
夜欲號山鬼
朝看薦水萍
蒼梧雲不斷
淚竹染逾新

將至永州

瘴雲千疊草萋萋
湘轉帆隨路又迷
蠻鳥不須終日喚
此身已在萬峰西

沿流岝岬石屏風
噴雪跳珠乳竇空
鬼斧何年鑿鏡鑿
要將鈇鐸鬥蛟龍

門人梁子叔彌宰東安
過其署中以訛示之

龍鍾双鬢久鬢髭
記得曩時忝絳紗
宮錦紅綾渾似夢
芙蓉藻綠水底須
誇憐余曾歷千層浪
愛爾新栽一縣花
慚愧子雲頭白
尽廿年辛苦問侯芭

高山寺

在東安縣西郭外

寺倚高山山不高
陰陰夏木俯空濠
奔淙繞郭雲常合
細路緣江草未媻
重整精藍思浩劫
新開禪室少塵囂
喜從下界聽鐘梵
遙指飛虹接巨鰲

與汪晉賢郡司馬

吾友四汪子鈍翁蛟門舟次東川放厥瓊瑤詞具道其宗人
歷塊多權奇餘波饒綺麗夙騷徒爾為同時潘稼
堂少小負雄姿當其失意日亦復託相知慚余已
衰謝曾未奉鬚眉每每從文壇喜誦汪倫詩百年
香艷體新翻樂府辭花間與蘭畹髣髴時見之揭
來銅柱南火雲多參差羅浮蜺未到庾嶺書來遲
時將適粵東幸從官閣暇獲親風雅師分疆劃度宋唾
點笑羣兒再覩清新詠論文更不疑

七星巖

域中山水奇粵西為第一拔地攢萬筍排空架千

筆无洞不透瘦无巖不岸律恍如巨靈鑿對此心
魂失我來當盛夏維舟倚巖壁凌晨躡芒屨短衫
穿過膝策杖恣幽探冥搜窮石室羽客導我前宛
轉棲霞側詩崖谷益陰晦列炬方可入變幻若蜃
樓神鬼信難詰縱復工擬議詎能述所歷驚懼徒
茫然造物真戲劇舊曾遊端州星巖亦名七若欲
置品題此甲彼其乙廣東肇慶亦有七星巖此為最勝

為羅浮山人題杜子皇蔣前民書畫卷

廿年曾記宿長干蠟屐同登木末寒秋蚓昏蛇忘
不了遺踪猶向畫圖相

登五層樓

五層樓觀倚雲開，芒屨新從萬里來。自昔侯王都負敗，而今宮井半蒿萊。虎門日射羣陰散，鼉背風清衆壑哀。歌舞消沉人不見，一杯遙酌尉佗臺。

題鄭子源冊子鄭工篆刻

割取紫雲才一片，煩君為我試雕鐫。此鄉寶玉今難問，何必猪肝勝馬肝。

陳紫宋香曾入口，凝冰挂綠也都嘗。從來尤物難分辨，黛葉緗枝費較量。閩粵人各言其鄉荔子之佳，查子德尹有詩余為之解紛。

寺寓與小禺山舍相近陳元孝屢期月夜

過從苦為雨阻，以詩見貶，依韻答之。

未見檐牙流素魄，翻愁螢濕草蟲鳴。雨驅炎氣消三伏，風送濤聲滿一城。珠浦沉沉移菴戶，花田處處走雷聲。稍晴步履思相過，月黑今宵不可行。

與鈕高明玉樵

百里頻相借，炎荒政又傳。地應殊漢俗，花惜種蠻天。豈有膏脂潤，誰私雨露偏。逢人曾說項，馴雉十年前。君初授項城令

不失為儒吏，詩書志豈孤。禽能聽磔格，語不厭陬隅。

懷縣花雖滿，安仁髻已殊。姪人恐相笑，休鑷白鬚鬚。君新納姪

盤錯終何補，勞勞天地間。舊曾官白水，今喜對青

山君昔為白水令今腰已遭三折丹頂鍊九還廉

泉雖可酌未必返朱顏

鬼瞰何須慮諺云高明之家鬼瞰其室金魚塵更清途雖防躡

蹬官不負高明橘柚紛千樹人煙滿一城双鳧今

繞膝依舊聽琴聲

與李惠州默稼

休說蓬萊閨苑中小西湖比舊新豐雨隨瘴海波

偏濶曲奏蠻兒調轉工萬樹梅花飛蛺蝶惠州棗花村產

羅浮羅浮四圍嵐翠滴簾櫳隴西太守風流甚不羨當

年蘇長公李善歌能演劇

贈黃積菴

喜從物外樂天真庭葯欄花觸眼新欲覓丹砂初

試鼎迴看滄海已成塵登高尚可支筇杖漉酒還

能墊角巾莫向床頭辨牛蝱昂藏野鶴是閑身積菴

頽然而長耳重聽

幻雲樓

珠浦月沈夕黃灣木落初人情看變幻旅况任蕭

疎出岫原无意隨風信卷舒登樓長嘯後歸去老

樵漁

問鷗亭

一自離繒嫩頻年玩海鷗但知依野岸无復問瀛

洲沙暖應思睡天空欲破愁平生湖海志不為稻

梁謀

五羊太守郡齋即事四首

海南香試拭蠻箋蛺蝶宮衣勝往年
齊向函眉窗下看鳳流刺史臥花田

懶梳義髻學新聲涼露初流桂魄明
一曲山香纔奏罷吹笙又得董双成

瑤草琪花豈易栽洞門久矣鎖蒼苔
局殘尚佐斜飛勢欲賭宣城太守來

鼎邊甘佐守丹人偷取瓊漿未入脣
儻許猪肝分半片无妨為爾脯麒麟

九日梁藥亭陳元孝王蒲衣諸公雅集光

孝寺訶林余以他阻未至諸公仍為余
拈韻得燕字明日足成之

茱萸插遍繞花田北雁初飛南海邊
客鬢已疎防落帽酒懷欲放怕逃禪
逢秋影瘦驚籬菊入定鐘殘冷暮煙
笑說吟壇三舍避都緣老將尽幽燕

十九秋詩

秋原

獸立荒原上風吹露氣清
兩行寒雁入一片暮雲
平地迥宜疎放林空少
送迎翻憐野燒急孤兔亂
相驚

秋瀑

瀑布響前檐冥冥細雨沾流從千澗底界破萬山
尖噴雪聲何壯跳珠勢轉巖恍如隨玉女飛下捲
晶簾

秋鏡

形影憑誰吊相看似霧中顰眉怨膏沐搔首歎飛
蓬苔蝕土花碧霜侵夕照紅從拋團扇後終日掩

青銅

秋燈

疎雨滴黃昏涼颼早閉門青熒纔一穗香靄隔孤
村鑿壁光微透飛蛾撲又喧朦朧遮老眼相對坐
无言

秋琴

露冷玉琴張桐陰過短牆寒輝流素節苦調激清
商慘澹微雲白蕭疎落葉黃成連在何處海水正
茫茫

秋煙

蘆浦燃湘竹輕鷗避野煙微籠兩岫柳淺抹一溪
蓮淅淅寒江淨荒荒夕照懸五侯家散入如夢記
當年

秋蝶

欲采羅浮蝶秋來到五羊仙人不可見粉翅已先
藏但有莊周夢曾无陸賈裝何如三徑好叢菊尚

餘芳

秋漁

窮筮今方戴浮家信短蓬投竿迷海岬失路笑漁翁
瑟瑟蘆花渚茫茫碣石宮扁舟且歸去我欲釣垂虹

秋獵

回首暮雲平荒原殺氣橫黑雕盤絕漠黃犬出孤城
露冷秋何肅羅張夢亦驚只愁飛走尽昏草又還生

秋樓

銀蟾涼似水今夜入西樓素手彈瑤瑟清輝滿玉

鉤五更寒雁過千里暮煙收砧杵聲何急登臨動
客愁

秋屋

我欲牽船住柴門鎖不開青蘿緣戶遶紅葉帶霜
來席薄風難掩沙虛岸易摧還期賦茅屋送老白雲隈

秋戍

吹角近黃昏炎州古戍存殘烽限嶺表候火接中原
不向龍堆轉還如雁塞屯廿年戎馬後恐有未招魂

秋簞

黃簾先秋冷瑠璃勝錦茵有時鋪月影無處受花
塵不負桃笙約誰憐玉體陳早知搖落易綠鬢悔
初勻東坡寄簾與蒲傳正
詩愧此八尺黃瑠璃

秋衫

自晚朝衫去逢秋製芰荷稱身腰窄窄擅袖舞雩
僂素袂揚纖綌輕容襯薄羅江州司馬在添得泪
痕多

秋塘

瑟瑟銀塘路扁舟向晚行好依寒鷺宿愛共野鷗
盟水與遙天接雲從極浦生斜陽一片織衰柳倍
含情

秋帘

漫向墟頭醉時傾老瓦盈葛中容易灑白月最難
捫小飲添蕉葉微酣倒竹根短帘茅屋曳不是杏
花邨

秋寺

黃葉前朝寺西風夕照邊閉門思養拙洗鉢欲隨
緣雲鏤沉清磬厨荒冷爨煙芒鞋許高挂趺坐學
栖禪

秋菜

讀書秋樹根用杜夙蔓夕牽門籬脚霜莖脆瓜棚
園父尊羸牛欺敗葉蛺蝶趁朝暾小摘宜清露流

是滑欲翻

秋社

欣狀從里社拄杖落清暉燕欲辭巢去人今割肉
歸鴉翻紙灰濕香冷稻花肥不待田功畢先農歲
屢祈

梁藥亭太史出十九秋詩索和和成題二

絕句歸之

侍直蓬山已白頭如君才調尚風流未應憔悴同
遷客何事閑吟十九秋
珠江日落海雲黃秋雨秋風憶故鄉垂老猶來衝
瘴癘誰憐窮鳥滯南荒

附梁佩蘭藥亭和

蓬萊宮殿列班頭君是詞臣第一流欲上羅浮
觀日出特來天外度清秋

小築城南坨北頭閒門長日引湖流看來十度
螢乾死不待西風已慙秋

日射寒雲海氣黃誰從風物識蠻鄉騎龍控鶴
朝天帝也下人間俯大荒

家家橙橘照霜黃秋色分明在海鄉今日珊瑚
新架筆徐陵詩句紀炎荒

天下皆秋而嶺海獨異木不落也霜不凝也
往往初冬始似中土之秋故嶺海非无秋也

秋遲也梁子藥亭偶拈十九秋題適虹亭太
史來遊羅浮奮筆同賦諸公之客于斯者復
翁然知之是合天下之秋以為秋不獨嶺南
也虹亭所作老氣橫絕如寒松古柏不以華
艷爭長漆園云受命於地唯松栢獨也在冬
夏青青是豈可以南北土風四序寒燠限之
哉觀虹亭詩當作如是觀粵東陳恭尹識于

小禺山舍

遊羅浮述懷二首呈魯方伯

我生百年內兩次踰嶺表舊遊昨日耳羅浮惜未
到以茲愧山靈每為達者笑今來途益窮更兼衰

與耄延頸四百峰舊欲往登眺傍人憐我痴相勸
勿鼓棹或言山荒涼或言路險奧我志已堅決勿
為衆所撓言買蛋人船帆去過南海廟遙見老人
峰拱揖若相召萬仞削青蒼千岩排空峭狂吟興
難遏斗酒自慰勞去掘丹竈泥雞犬或可效

行行陟重岡山峻杳難攀週迴三百里羣峰浮其
間瑤臺衆仙集彷彿紛煙鬢青羊俯道傍白鶴時
往還青羊白鶴皆峰名其餘諸虎豹一一皆當關嗟余逆
旅人烏能試追扳既愧囊橐空况生腰脚頑青鞵
纏布襪咫尺猶險艱穆穆維魯侯貽我金一環以
之辦芒屨飛步海上山玉女粧翠黛麻姑獻碧環

玉女麻姑 峰頭五色雀向客鳴喧喧山有五色雀亦峰名 客至則迎
山靈足狡獪詭異誠多般一攬嘆難盡此緣幸非
慳

將至惠州

亂山環一塔遠水接平沙曲曲溪流轉村村蠻語
譁殘蘆鷺點雪老樹匝棲鴉無數煙鬟立臨流看
晚霞

登飛雲峰頂

羅浮似蓮花花瓣紛難數此峰乃蓮萼特立无與
伍方頂出尖圓平曠闢堂斧无雨常出雲有日驗
亭午瀰漫煙霧開衆山奇可觀戊削玉女纖僂僂

老人俯青羊地下蹲白鶴雲中舞皆峰名 蝦蟆與蝴

蝶名洞萬狀唯所取從來閱神靈臨眺不敢侮我負

七尺軀勞勞泊塵土芒屨躡嶺嶠猶幸脫簪組儻

不躋此巔有目反類瞽遂裹十日糧捫蘿力愈努

撥雲窮其頂屏開見廊廡如抱亦如環支派分幾

股積劫浩茫茫碧海際寰宇天鷄時一鳴夜半火

輪吐曠哉此境奇恍惚遊太古骨凡擬尋真又被

罡風若扶筇急下山悄然心默憮揮手謝山靈我

夢方栩栩

宿華首臺訪塵異大師不值

廿年夢想羅浮頂今日方登華首臺山作錦屏環

翠嶂寺旁錦屏峰松生蒼鬣繡莓苔沉沉咽梵經堂靜

寂寂鐘魚夜壑哀為問錫飛何處去黃茅瘴幾

壯迴粵中以十月為黃茅瘴

遊冲虚觀

朱明洞口荆棘叢冲虚觀前雲冥濛神仙一去不
復返千年丹竈無人封琳宮紺宇尽頽廢猿啼鶴
怨空山中黃冠數流更齷齪蝗此黍粟甘愚懵觀中
歲收稻穀銅龍銅魚不可問觀有銅龍銅魚晉唐
六千石羅縣頓使福地无仙踪安得雷火驅此輩森羅上
界開三峰觀前對上界三使我年年來採药憑虚
兩腋生清風夜深復覓朝斗壇壇為葛仙禮斗處前隨玉

女後葛洪

黃龍洞

洞門无復有黃龍獨向孤青峰名拄短筇欲覓降王
舊遺跡天華宮畔七株松南漢劉鋹建天華宮於此宮前種松七株後忽化為老人

見日亭

萬里羸糧踰嶺嶠茫茫黑海浩无垠而今始聽天
雞叫夜半披衣見火輪

西溪

西溪緣石壁曲折上危岡巖畔幽花發池邊藥草
香泉流疑噴雪樹老不經霜嶺南從无霜雪遙指飛雲頂

煙霞繞路傍

南海神廟迨和東坡韵

波羅廟口摩銅鼓回首西風黃木灣廟在黃木灣之東一名波

羅廟以達奚司空所種波羅樹得名廟中有銅鼓二青黃斑駁蠻酋塚中物也閃閃朱旗

翻夕照層層自浪湧青山晚潮欲落停孤櫂衰髮

新添損客顏猶喜百靈能效順鯨波不動海中間

別俞子珍木兼示紫凝時余將東歸珍木往四會

倦遊已怪髮鬢鬢粵秀峰頭喜共探慙愧老饕回

去急輸君終日飽霜柑四會柑子極佳

南雄旅舍和壁間韵

重過蠻天不記程纜離水驛又山城一枝未許鷓

鷓借双髮空嗟躑躅行夢醒槐根猶浪迹身辭丹

禁謝浮名請看多少鳴騶侶何似芒鞋一綉輕

度嶺

萍踪又向嶺南回冒雨衝寒得得來松影參天依

鳥道榕陰匝地少官梅蠻方寶玉終難問瘴海梯

航喜漸開為憶當關諸虎豹廿年白骨已成堆

萬安縣

繫舟萬安縣灘聲猶聒耳日出江霧黃水涸灘路

從灘師揮手去長年生蓬底邑小少雞豚時平剩

殘壘前山稍夷曠修途轉邈迤窮冬宜晚開篙纜

重整理甕頭有餘香臘殘應亟啓

南州草堂續集卷三目錄

松風餘藁

南巡曲四首

辛巳四月烏石山房試茶恬菴出示蘋村老人追悼二殤之作賦此寄慰

題顧搢玉孝廉丹井山房詩集二首

題吳寶厓借書圖

初夏馮文子孝廉招同竹垞大可暨寶厓層

巖諸子集汪氏園林

馬君索題南墅書莊賦二絕句與之

鶴棲堂歌

顧子画杜鵑紫蝴蝶二花為言草舍籬邊得
此二種斐然有感遂題短句

題画竹

桐臯上人以南湖詩卷見示書其後

題桐齋烹茶圖三首

次西堂老人韵輓少宰彭羨門同年

二月朔日查山探樛集六浮閣分韵得泰字

題京口蔡將軍小照

題計希溪驢背琢詩圖二首

和東溪暇日獸處用皮襲美寄陸魯望韵

題京口馬大將軍收綸小照

席上留別范敬齋郡司馬

時署吳江篆

輓同年曹莪嶺祭酒二首

渡江偶題

荆山

臨懷縣

泗州

盱眙

壽州

至中州與家浩軒中丞四首

壬午蒲節飲箕城官舍醉後作歌和家去矜

弟韵

初夏胡園小集分得七陽韻

箕子臺

寄懷章仲學使二首

睢州謁司空湯潛菴先生祠堂

觀桃花扇傳奇侯朝宗李姬事

繁臺

集侯貽孫廣文齋中與周龍客誼舊兼悼雪

客

大梁懷古

東馮青門櫟園先生甥也

登奎樓箕子城舊有奎樓流寇後毀於兵燹

去矜捐俸重建余喜而登之漫成一律
京口蔡將軍貽百華酒題絕句報之

南州草堂續集卷三

吳江 徐 鈞 虹亭

詩

松風餘藁

自巳卯三月至壬午八月止計五十一首

南巡曲四首

河源來砥柱湍悍厓 宸衷捷竹淇園繞疏堤瓠
子空負薪填蟻穴沉玉偃蛟宮閱視多靈異從今
奏禹功

聖主巡遊日堯民擊壤迎翠華臨越嶠黃屋返吳
城劔撫三邊靖弓彎百獸驚一遊還一豫問俗省
昏耕

綵仗連雲合蓬萊瑞氣通 宸遊三月裏輦路百
花中不似秦皇日還期洛水同康衢成鼓腹鳩杖
倚東風

人樂昇平會農歌大有年羣黎逢此日 萬壽與
齊天玉液調金鼎祥光繞 御筵慶歌揚盛事共
奏栢梁篇

辛巳四月烏石山房試茶恬菴出示蕢村
老人追悼二殤之作賦此寄慰

槐火新敲煮石鑪旗槍共試省逢迎松風欲瀉牀
頭月澗水頻添雨後聲壯歲已恰如過隙老懷應
與話无生遙知髮雪千莖白莫為童烏泪更傾

顧措玉孝廉丹井山房詩集

辟疆池館醉曾眠記與先公別廿年雛鳳一聲清
似玉鳳流肯讓小斜川

葛洪井畔埋丹竈殘月无多憶曉風一曲朱絃今
寂寞逢君又唱玉玲瓏

題吳寶厓借書圖

謝却螭坳與石渠常將菜飯飽殘書瑯環萬卷誠
能借竊願從君作蠹魚

初夏馮文子孝廉招同竹垞大可暨寶厓
層岩諸子集汪氏園林

赤闌干畔垂楊鎖倒影亭臺夕照遲折柬喜能隨

舊雨啣杯翻自樂新知黃鸝箇箇新添樹荷葉田
田恰滿池檻外青山猶不老濡毫只恐鬢絲絲
馬君索題南墅書莊賦二絕句與之

春明夢斷水雲鄉日倚繩牀檢藥囊拄杖偶過南
墅去未能拋得是書莊

路入仙源少問津還從遺構想先民讀書種子雖
云絕鄉里猶堪見善人

用馬家
故事

鶴樓堂歌

西堂老人鶴髮疎八十有二猶著書口授不與伏
生殊赤藤為杖手中扶曠觀直欲天為徒裁成野
服辭簪裾六經笙匏藝佃漁瀛洲蓬島昔所於

至尊南巡降宸扆蒼龍法駕迴鑾輿羣工稽首咸
拮据中有昔者清而癯 聖壽无疆臣恂杼鼓腹
擊壤恩沾濡老臣猷效愚公愚歡聲喁喁動四隅
顧問侍從與之俱雲鳳上下相吹噓龍章鳳藻輝
門閭棲鶴以壽為形模 君貺臣受臣負趨諸公
勿復來獻諛臣述祖德賦遂初

顧子画杜鵑紫蝴蝶二花為言草舍籬邊
得此二種斐然有感遂題短句

錦障繁華不久存翰他小卉護柴門夜深恐有莊
生夢囑付休呼蜀帝魂

題画竹

垂虹亭畔一衰翁，愛取寒梢竹數叢。
輕薄為文休見哂，對君唯恐不虛中。
余於三十年前自謂不可
一世，今年已衰邁，轉魁學
殖荒落，遂書此以訟來者。

桐臯上人以南湖詩卷見示書其後

麴塵風細颺橫塘，雙聳吟肩話夕陽。
收拾南湖好風景，担來貯滿一奚囊。

題桐齋烹茶圖

新桐乍引換生衣，涼露初流靜掩扉。
活火齊烹蟹眼細，與君共瀹好忘機。

自笑歸田喜據梧，龍鍾鶴髮強支吾。
隱囊紗帽今相值，肯羨頭綱八餅无。

麥光滑膩閑鋪几，習習疑生兩腋風。
羞殺隱侯真斷舌，也將七椀學盧仝。

次西堂老人韻，挽少宰彭美門同年

回憶鱸鄉亭子側，君歸單舸喜相迎。
君昔年予告南還，予泛小舟晤於垂虹亭下。盛名久已推山斗，物望終能重帝京。
歸臥早知封宰樹，君言此歸當修築先隴，并葬嫂夫人。沈疴无復聽倉庚。
靈牀一慟何由見，空寄哀猿峽裏聲。

二月朔日查山探梅集六浮閣分韻得泰

字

潭西萬樹梅花光溢湖，外我行循筇籬微雨條。
輕塹林間小山霍，路轉大澤沛層層。崑崙磴臨鬱鬱松。

柏免傑閣峙其岨登之發蒙肺地勝心已怡况與
羣彦會杓洗箸下醪厨研江東鱸徵令搜蟲魚聯
吟鄙蒼叢秀拔竹千竿娟妙芝九蓋詞從詩老覓
晴放天公賚雪殘沁肌骨鬢墮消煙靄好景紛欲
呈佳句費檢汰俛仰懷昔賢六浮圖始繪所需才
十千此志亦非泰如何締造艱十語九傷慨因念
卜幽居創始真茫昧人生等浮漚樂哉斯丘最

題京口蔡將軍小照

大纛高懸鐵甕東談兵狼石有雄風豈知抱膝長
吟日猶憶成連海水中

題計希深驢背琢詩圖

絕倒詩人孟浩然常從驢背聳吟肩翰君收拾奚
囊裡不用推敲句已傳
記曾烏帽觸西風剩得衰頰一老翁回首軟紅塵
十丈舊遊都在畫圖中

和東溪暇日獨處用皮襲美寄陸魯望韻

昔夢曾分藜火光何如今日掩藜床閒拋短策鈔
書懶老荷長鏡種樹忙時于屋後種選勝有時思
蠟屐看花無處不羸糧梅李數十株搖揚柳肯唱琅

瑯大道王

桓宣武曾為琅瑯
結句借用樂府語

題京口馮大將軍收綸小照

金焦鐵甕打潮頭坐擁熊貔又幾秋都恐經綸常

在手 主恩未許放君侯

玉河煙樹水湯湯捲却綸竿有底忙偶爾披圖成一
笑可能容我醉君傍

席上留別范敬齋郡司馬

時署吳江篆

使君暫駐水雲鄉早有棠陰繞路傍欲去方期圖
臥轍當歌却又醉離觴一尊風雨消良夜三月鶯
花送夕陽他日歸來重證舊石頭城下趁新涼

輓同年曹峩嶠祭酒

泥融昏店滑尚憶酒壚香忽聽山陽篴中宵幾斷
腸升沉同逐鹿得失等亡羊恨未從蒿里泉臺更
渺茫

昔歲 翠華臨同君接短吟方憐悲聚散豈意痛
人琴舊日園橋掩今朝夜壑侵窮李頻學道應不
嘆崎嶇

渡江偶感

布帆无恙破江煙恰喜清和四月天記尋棠卸詩
白好楊花如雪笋如拳

荆山

一抹荆山掃麴塵卞和已去碧嶙峋從來魚目終
須混多少人間泣玉人

臨懷縣

舟過濠梁畔帆檣日已曛未能忘將相猶自想風

雲舊第埋荒楚殘碑沒古墳名留青史在遺跡總
紛紜

泗州

雉堞平沈送洪流接混茫波心浮一壘崖畔鎖千
櫓竈井今何處魚龍勢更張誰能乘四載來真此
石疆

盱眙

青山一髮裹斜陽華確平沙路更長無數雲帆來
楚客幾重茅店集吳商紅憐韎鞞櫻桃熟綠騰靡
蕪野草香欲覓山船高臥穩且辭款段卸行裝

壽州

壽州從古說巖疆折戟沉沙冷戰場環楚山川爭
險易驚秦草木半銷亡翠沉麥壠生衣換紅綻僧
牆旂影長欲向淮南尋舊隱八公山色更蒼蒼

至中州漫興

杜工部詩云老去詩
篇渾漫興一作漫興

油幕霜清夜不驚澗澗嵩洛早歸耕隨車已賅桑
林借按部欣看竹馬迎自有經綸資密勿先將籌
劃贊昇平素絲握節凌千古一笑黃河萬里清
嶽色河聲走豫中為霖久已貯紗籠恩膏數被河
南北杼軸全消大小東吏接昏溫霜竝肅民懷化
日歲俱豐太行山色青如染時有丹書下碧空
回思瀛海昔波瀾世事還如蜀道難秋水吟成形

躑躅昏明夢斷影蹒跚欣逢聖世庸元老且向清
時賦考槃幸喜追從寬別恨對床風雨慰加餐
金梁橋畔大河濱疲馬行來日漸曛擬向梁園思
授簡先從嵩渚訪遺文翻憐萍梗隨鷄肋猶喜荆
枝接雁羣嗟我衰年頭易白沙堤早築更期君
壬午蒲節飲箕城官舍醉後作歌和去矜

弟韻

老年懷抱何時開芒鞋直向嵩山來遙睇二花隱
少室羞池雁羽恒飛回道遠荆枝形影隔晴日空
懷箕子臺六載分携忽相值對牀風雨猶驚猜夜
闌重剪西窓燭酒壚綿邈笛聲哀回首竹林恍昨

日苦教衰髮行相催

謂家匏叟先生也

梁園兔苑已非昔

文章何必追鄒枚惆悵東京夢華錄久知滄海易
蓬萊眼底紅花色冉冉手中白酒浮皚皚與君痛
飲謀尽醉共吐玉屑羅瓊瑰牛刀屢割烹屢試過
都歷塊忘崔嵬長鯨巨鬣勢恐吼橫笛短簫聲相
催沈湘弔沅有何事无如且吸菖蒲杯堂隨單父
琴一鳴長顧却慮猶鯁鯁痼瘵疾苦久下問保民
奚啻與嬰孩弘才薄領豈為困短歌三匝週庭槐
我從菰蘆日洗耳佇聽大壑鳴風雷

初夏胡園小集分得七陽韻

五畝鄰園竹樹涼榴花刺眼殿群芳輓轡乍轉垂

修綆壺榼頻移過短牆夏木轉鶯低按曲葯苗扶
架靜聞香琴閑偶爾消清晝親串相携徙笛床

箕子臺

欲問三仁里言登箕子臺荒榛埋斷礎遺廟沒蒿
萊行遊誠無計伴狂亦可哀空餘補天石終古自

崔嵬臺傍為女
媧補天處

寄懷章仲

草宿池塘五六年夢中常似對床眠齒衰已自扶
藜杖身病還勞損俸錢去秋承
樺燭喜隨冰鑑朗
絳紗遙憶玉壺懸深怜白首梁園客時遊
大梁未得追
隨聽管絃

偶裁尺素託霜鴻愛酒應能記此翁愧我浮踪隨
斷梗喜君清鑿識焦桐經傳破壁金絲響碑勒懸
崖玉簡空近喜生徒興禮樂從茲文運起山東

謁司空湯潛菴先生祠堂

大道已榛蕪講學恒拘迂偉哉湯先生雪苑之醇
儒蚤射金閨策讀盡中秋書許身於稷契致主期
唐虞敷歷外臺久歸臥嵩陽廬蘇門孫夫子六經
勤苗畝先生往從之溯程而沿朱學貫天人際品
超姚許餘繪川築書院絃誦惜辰諸遺榮謝簪紱
優詔促安車載彼履彤墀給札領石渠才識冠
三長班馬為前驅不久直經筵啓沃紹都俞撫綏

迄三吳中孚感豚魚喁喁遍窮壤化與三代俱唯
能本經術澤遂被海隅俄焉晉宮詹輔導翊 皇
儲稽古桓榮竝舊學甘盤如自蒙宣室召駭機踵
前途履險而習坎甯有效嘯嚙抗論益蹇蹇進退
猶于于天王固聖明始終鑒臣愚哲人已云萎正
氣猶傍敷嗟彼訓狐鳥雨眼張睚眦聚鬼與徵妖
震熠驚天衢陽烏倏相照僥倖仍頃災曷若公精
灵千載恒不渝余本漁樵侶曾接公襟裾抽簡蘭
臺側執轡時相於自愧真不才廿年賦歸歟俛仰
瞻俎豆彷彿奉盤盂西州涕洟深策馬為躊躇

觀桃花扇傳奇

侯朝宗
李姬事

節義文章自古傳南朝狎客有誰怜謂阮請看一
本桃花扇不是當時燕子箋光祿

繁臺

蓬澤難尋古吹聲去聲臺昔年陳跡委蒿萊黃流曲繞
城千堞碧樹周遮土一堆祠宇空存傳李杜臺上
祀太白文章无復有鄒枚故宮禾黍蟬聲咽擬向
子美祠金仙閣刻灰

集侯貽孫廣文齋中與周龍客話舊兼悼

雪客

垂老猶思五嶽遊偶尋嵩少渡鴻溝梁園无復開
公讌侯喜偏能佐酒籌欲向殘編搜蠹簡翻檢華

屋變山丘壚邊畏聽山陽笛醉裡歡逢慰白頭
大梁懷古

驅車偶過大梁城搜剔殘碑百感生宋寢煙荒桑
海變明籓水覆濁河傾夷門地近亡朱亥廣武山
空少步兵堪笑王津園已沒夢華猶自記東京

東馮青門

老衰扶杖衝炎暑今雨欣逢話舊遊青門為櫟園先生之甥追話及異代滄桑真可嘆百年文獻已難搜河聲曲
繞蓬池側嶽色遙分少室秋儻破拘牽出蓮幕從
君一笑且淹留

登奎樓并序

箕城舊有奎樓數十年來毀於兵燹致
使文廟禮成而奎神享祀无所家去矜
明府捐俸重建於南城之上綺戶朱扉
與澤宮遙相輝映余喜而登之漫成一
律

小黃河曲繞箕城傑閣嵯峨勝玉京樹報新晴
雨足樓銜積翠遠山橫已知星聚奎當耀却喜風
披琴更清不是頻來能眺望那知處處有啼鶯

京口蔡將軍貽百華酒題絕句報之

籬邊昨夜菊花黃急足緘書慰渴羌洗盞擬從漁
父飲開瓶先對馬軍嘗

南州草堂續集卷四目錄

松風餘藁

癸未二月伏遇

皇上南巡

臣

偕在籍諸臣恭迎道左

詔復原官

兼

賜御書感

恩恭紀二首

題夢裡青山圖

四月晦日桐上人偕朱子符却過訪用盛湖

留別詩韻見贈賦二絕白答之

題菜羹香圖

重陽送伏枕口占

題蘆鞭包帽圖

題双柑斗酒圖

題雪霽南轅圖送損持館文之任興國

再送損持

題錢十青冊子

花朝前二日同勗初景鴻啓東德公軒文諸
子集豐草亭用陸園蒙花浸昏醪搥石缸

白分韻身浸字

秀野園觀燈譙集

去矜五弟薦舉河南第一已注部曹矣旋奉

簡書出知粵西永康州於其行也為絕句

六首送之

重遊萬佛林

甲申十一月

江上逢長至

聖宣和尚七十

次前輩南的老人六十感懷韻四首

送朱貫槎之粵東四首

題抱膝圖

壽葉南村五十

次和端午前三日招習隱賦詩來却因和原

韻三首

再和習隱三首

題王孝先小照二首

題王石谷自怡圖

題慎獨圖

壽申斌為七十

壽沈桐齋七十

題函双松圖

題念修聽松小照

題陳傳巖小照

壽丁宗韓六十

南州草堂續集卷四

吳江 徐 欽 虹亭

詩

松風餘藁自癸未二月至乙酉
月止計四十八首

癸未二月伏遇

皇上南巡 詔復原官兼 賜御書感 恩恭紀

久安耕鑿賦歸田重識 龍顏喜儼狀雉尾雲開

迎瑞靄鑾輿聲近繞祥煙退休已自漸衰病跼伏

何能省咎愆豈意 天威臨咫尺忽逢 溫旨重

傳宣

鳳煮龍騰色五翔小臣何幸捧 宸章身從雲際

瞻 天表墨向螭頭惹 御香蒲柳來朝迴淑氣

草茅今夜燭榮光喜逢藻采煙霄下寒碧重吹轉

太陽 御書詩中有聲掃
碧霄寒之句

題夢裡青山圖

胸中欠雪本无塵画裡青山夢裡身捉得清風與
明月何妨看爾一閑人

四月晦日桐上人偕朱子荇村過訪用盛

湖留別詩韵見贈賦二絕白答之

廿年拋却一虚舟伴水眠雲已白頭提起螭坳曩
日夢蓬萊清淺惹人愁

昔歲曾牽小翼舟推篷住在四橋頭老來嘗鼻風

波慣破浪千重也不愁

題菜羹香圖

肉食人間原可鄙灌園抱甕也相宜堆盤入饌有
添綠勝似何曾下箸肯

重陽後伏枕口占

重陽今又過衰病日相侵伏枕難成寐耽書不諱
淫低頭搔短髮堅臥數秋砧五嶽終難問无勞志
向禽

題蘆鞭皂帽圖

蘆鞭皂帽觸西風紅葉蕭疎夕照中回首長安一

西笑有誰能賦建章宮

題双柑斗酒圖

璠田玉界一煙嵐綠染衣裾鬢未甦坐愛深林飛
楚雀况逢斗酒與双柑

題雪齋南轅圖送損持館丈之任興國

蘆溝橋下雪督亢風酸氣淒切敲棘車中抱膝吟
回首浮雲蔽双闕鬱孤臺上雪玉虹翠浪相明滅
一酌廉泉歎飲之花滿螺亭芬齒頰車中之人意
更奇不詠襄陽驢背詩且喜隨車作甘雨雪消見
眼柳絲

再送損持

双旌辭故里抗手出承明莫以灘聲惡還宜試小

烹絃歌應更好蕉鹿不須驚前席行當召无勞效
賈生

題錢十青冊子

衰頽廿載臥郊垆噩夢方殘酒乍醒一曲湘灵來
鼓瑟猶疑江上數峰青

長城當日重錢郎大曆才華遠擅場繼起聲名今
更勝廣陵弦散有君張

花朝前二日同啓東勗初景鴻軒文德公

諸子集豐草亭用陸魯望花浸香醪挹

石缸句分韵得浸字

經自晝若曠勾萌寒欲噤朝來喜放晴蓓蕾乍含

姪殘梅點如雪家釀甕纔嘗携壺籍豐草聊作文
字飲石非不可激流非不可枕茫茫塵海中沉溺
毒於鴆何如搜六藝刮磨日沉浸諸君實妙年狂
瀾猶足堪行當發奇葩勿似老人喑

秀楚園觀燈讌集

秀楚園開日掃除好山濃入画圖虛座收佳客東
南美人倚高樓上下屋火樹潭燒銀絡索冰輪罷
碾玉蟾蜍華堂高會恰今夕擊鉢題襟錦不如

去矜五弟薦舉河南第一已注部曹矣旋

奉簡書出知粵西永康州於其行也

為絕句六首送之

宦途翻覆勝波瀾歷尽羊腸博一官桂海虞衡今
又志惟求到處此心安

迴思往事廿年中一曲遊仙調未工今日與君彈
別泪黃茅瘴裡泣西風余於丙寅左遷被放曾賦
小游仙詩弟與吳元朗俱
有屬和

聖主求賢重直臣故將盤錯試經綸粵西風土雖

云異駕鶴驂鸞亦可人

駕鶴山在永康州范石
湖帥粵西著驂鸞集

水似青羅環翠帶山如碧玉挺琅玕遙知蠻洞敲
銅鼓也作兒童竹馬翔

辭却僊都去紫宸還從荒徼了前因笑它雞犬都
飛去且作天邊守廁人

萬里孤蓬綠蘂江暗風吹雨影幢幢臨歧莫賦銷
魂白瀧吏逢迎喜擊撞

重遊萬佛林 甲申十一月

萬佛林中寺重來五十年雲山仍不改桑海屢推
遷靈石荒煙鎖疎籬夕照懸田思龍漢刻碧血已
茫茫往歲丁酉同玉峰葛瑞五長洲陳鶴客文園
今五十年矣重來先生故園時新闢為萬佛林於
過此留題壁上

江上逢長至

旅逢長至日雲物占豐年酒愛三分醉愁隨一線
添霜催臨水樹潮發渡江船衰鬢恰仍在還思
犢眠子就試

拈花和尚七十

裁雲補衲守枯藤叅破浮生證小乘蝸角自來爭
不了槐根從古夢難憑公今尚拉開堂拂我已渾
如退院僧他日拈花挂瓢豈好從細雨話孤燈公
住虎丘歸老拈花菴今又坐接待方丈年已七十
猶波波劫劫于叢林中者公之不得已也或謂余
不以為壽而以為規未知余與
公相知淡公不以我為罪也

次前輩南酌老人六十感懷韻

洒落風期本性生依然不失是孩嬰臨流自適觀
魚樂伐木无煩求友聲仙籍早披能邁俗名場久
脫為忘情瑤天笙鶴中霄下肯戀床頭濁酒鐙
天門風舉豈伶仃三館攤書實飽經託迹豈同齊

社櫟問年台是楚冥靈初衣著身輕文繡名嶽圖
成謝汗青安用采芝兼餌术道遙自足享遐齡
占嶺南園十畝青鳥啼花落尽芳辰恩牛怨李誰
家事白馬清流自有人雨洗銅山饒筍蕨風回葑
水長鱸蓴會逢九轉丹成候看描金貂禮玉宸
月午花淡曲徑通南的恰在女墻東驂鸞久欲辭
儔侶調鼎何須溷乃公留客品茶秋露白秋露白
茶名
登山摘果夕陽紅先生生壙在銅
井多樹楊梅客余把臂投林
日勝入鷄豚小社中

送朱貫槎之粵東四首

粵秀山前兩度遊南園詩老最風流六澗堂上如

相見好與重吟十九秋

謂葑亭
太史

嶺南物產擅瑰奇香草珍禽例入詩作賦羨君饒
彩筆更將紅豆譜新詞

合浦珠生射斗牛論文高踞五層樓絳紗帳裡生
徒盛應否珊瑚鏡網收兼寄翁
學使

四百峰頭逸興長題詩還覓葛仙房君才亦是羅
浮蝶五色文成小鳳皇

題抱膝圖

抱膝長吟志未舒論文說劍且徐徐才名落拓終
難掩莫戀清泉白石屋

俠骨飛騰五十年風流常倚笛牀前人推劇孟傾
三雅氣壓元龍動四筵願由留賓看曼行彈碁擊
筑醉華顛知君早有還丹訣不用餐霞去學仙

次和端午前三日招習隱賦詩來却因和

原韻

恰好黃梅雨濕時怒濤猶似逐鷗夷翠華剛返間
窗寂便欲牽蘿補短籬

老衰未許鬥身疆茶竈還輸藥裹良欲洗一樽消
酒渴如何翻愛黑酣鄉

連朝梅雨又梅風葯酒分嘗史國公時以史國公葯酒奉餉
知白便知能守黑肯將筋骨辨雌雄

再和習隱

投老溪灣戴笠蓑一漁五相肯同科誅茆倘許開
三徑領取薰風日日過

題王孝先小照

雪海青來履齒紛偶携双鶴對斜曛冰心一片何
人識只有梅花愛使君

當年我亦泛西溪箬笠穿雲處處迷何似今朝仙
令過銅坑深鎖竹雞啼

題王石谷自怡圖

廿年塵夢想耕烟今喜披圖見綠天世事潭如蕉
覆鹿與君一笑自怡狀石谷自號耕烟散人

題慎猷圖

達人喜高蹈君子惟慎猷
虛室生夜光幽蘭發空
谷白首好微吟浣去塵
十斛脩狀持長鬚愛此便
便腹悟得无生趣水月纔一掬
洞壑有清音无煩
竹與肉形影共蕭然還淳而返樸

壽申斌為七十

鄧尉山前結一庵
香茆不剪恣幽探
老懷未許甘
丘壑壯志還宜拂
劍鐔對壘每思傾
白墮扶筇偏
喜翔紅酣翰君七十
猶強健愧我而今
七不堪

壽沈洞齋七十

自我歸田廬田間五六老
鬚髻各蒼然看花恣幽

討啣杯无日虛三徑
時常掃邇來漸零落
我憂心如擣黃公舊酒
壚只恐終難保東濠有
桐齋頭尚未皓皓我長
君一年朱顏已枯槁君
猶健如犢每思撲隣棗
牀前佳釀熟招尋亟傾
倒有酒期共醉有肉須
共飽人生朝露耳回頭
應及早爾我相叮囑從
今省煩惱識得此意真
何必遊蓬島

題画双松圖

奇明夢醒臥江濱
每愛松風日日親
莫笑老翁今七十
画來猶作兩龍鱗

題念修聽松小照

萬斛濤聲響石梁
科頭箕踞傲長松
知君若做池

塘夢携手還來問阿儂

題陳傅巖小照

詎合先生老灌園養病暫自謝塵緣坐傾三雅杯
浮螳門植五株柳帶烟隔浦栽荷珠滴露過牆穿
筍籜抽鞭 主恩早晚應前席抗論還如萬斛泉

壽丁宗韓六十

壯志難消翡翠床忽驚双鬢點秋霜開尊已入耆
英社結屋還依履道坊塵世功名夢先賤田園樂
事話初長喜看蘭玉盈堦茁池上踟躕起鳳凰